



La Quotidiana  
 7007 Cuira  
 081/ 255 57 10  
 www.laquotidiana.ch

Medienart: Print  
 Medientyp: Tages- und Wochenpresse  
 Auflage: 4'105  
 Erscheinungsweise: 5x wöchentlich

Themen-Nr.: 048.002  
 Abo-Nr.: 1077450  
 Seite: 1  
 Fläche: 32'349 mm<sup>2</sup>

# Danovamein campiunadis svizzers

Ils meglers parasguladers dalla Svizra semesiran ils proxims dis a Mustér

DA HANS HUONDER / ANR



Parasguladras e parasguladers durant ina concorrenza el contuorn da Mustér.

MAD

■ **La Surselva dispona d'excellentas cundiziuns da parasgular. Quellas nezegia l'Uniu Mustér Open era quest onn per l'organisaziun dils campiunadis svizzers.** Quels entscheivan oz e cuozan entochen igl emprem d'uost. Il di dalla fiasta naziunala ha la rangaziun finala liug. Per quels campiunadis svizzers ein rondund 120 parasguladras e parasguladers s'enscrets. Da quels ein rodund 50 digl exteriur. Dalla Svizra separticipescha l'entira equipa naziunala. Sco quei ch'il

president dil comite d'organisaziun e trener dalla squadra naziunala svizra, *Martin Scheel* da Cuera di, ein ils campiunadis danovamein frequentai fetg bein, surtut era da sportistas e sportists che s'audan denter ils meglers dil mund. Ils davos onns han ils campiunadis adina puspei era procurau per conflicts cun la survigilanza da catscha. Tenor Scheel vegnan la concorrenza organisadas uonn tenor las medemas reglas sco igl onn vargau. Las paras-

guladras ed ils parasguladers han da risguardar differentas zonas. En quellas astgan els buca sgular, cass cuntrari vegn il sgol da quei di annullaus. Sin fundament dalla tecnica da GPS eis ei numnadamein pusseivel d'eruir schebein ina participonta ni in participont han cunterfatg a quellas reglas. Pil tetel da campiuon svizzer vegnan en damonda plirs parasguladers. Ils favorits a Mustér derivan oravontut dalla Part-sura dil cantun Berna.



La Quotidiana  
7007 Cuir  
081/ 255 57 10  
www.laquotidiana.ch

Medienart: Print  
Medientyp: Tages- und Wochenpresse  
Auflage: 4'105  
Erscheinungsweise: 5x wöchentlich

Themen-Nr.: 048.002  
Abo-Nr.: 1077450  
Seite: 3  
Fläche: 56'881 mm<sup>2</sup>

## 120 parasguladers semesiran el tschiel da Mustér

Per in'ulteriura ga han liug sisum la Surselva ils campjunadis svizzers da parasgular

DA HANS HUONDER / ANR



120 parasguladras e parasguladers gaudan ils proxims dis ils sgols el tschiel sursilvan.

MAD

■ Dapi onns han liug regularmein sisum la Surselva campjunadis da parasgular, seigi concurrenzas internaziunalas dil Cup mundial sco igl onn vargau ni campjunadis svizzers. Uonn ein ils meglers Svizzers ed era entgins digl exterior dalla partida ad in ulteriur campjunadi svizzer. Tier ils umens ein ils Bernes favorits, tier las damas las Vallesanas. Sco quei ch'ils organisateurs dil campjunadi – l'Uniu Mustér Open – scrivan en ina

communicaziun als mieds da massa, ei Mustér daventau il mekka dil sport da parasgular. Il motiv persuerter: Grazia allas bunas relaziuns che regian cheu eis ei pusseivel da far sgols d'entochen varga 100 kilometers. Per quei motiv hagien las concurrenzas a Mustér survegniu in plaz stabel el calender da termin annual dallas concurrenzas naziunalas ed internaziunalas da parasgular.

Ils campjunadis vegnan organisai dall'Uniu Mustér Open en collaboraziun cun ils Surselva Flaigers e Vol Liber Grischun. Tenor ils organisateurs ei la collaboraziun secumprovada cumpleinamein e grazia al bein funcziunar da quella seigi ei pusseivel d'arranschar concurrenzas internaziunalas d'aula qualitat. «Tier ils parasguladers ei Mustér buca mo curdau en egl grazia a sia organisaziun perfetga ed il bellezza panorama alpin. Mustér porscha dapli, num-

### Gronda variaziun



La Quotidiana  
7007 Cuir  
081/255 57 10  
www.laquotidiana.ch

Medienart: Print  
Medientyp: Tages- und Wochenpresse  
Auflage: 4'105  
Erscheinungsweise: 5x wöchentlich

Themen-Nr.: 048.002  
Abo-Nr.: 1077450  
Seite: 3  
Fläche: 56'881 mm<sup>2</sup>

nadamein pusseivladads da sgol excellentas cumbinadas cun bia variasiun e selecziun. Detg pli sempel: Mustér ha las premssas per cups mundials e schizun in campinadi mundial», puntueschan ils organisaturs. Igl iniziand, organisatur e trenader dall'equipa naziunala svizra da parasglader, *Martin Scheel*, lauda la gronda varietad dil territori da sgol: «Mustér ei il liug ideal per la partenza a sgols pretensius. Da bunas cundiziuns meteorologicas eis ei pusseivel da sgular entochen ella Purtenza, Tavau ni ella Val dil Rein da Cuera.» Tgi che vul dar in num als puncts colorai el tschiel sa persecutar directamein las concurrenzas sin internet [www.disentis-open.ch](http://www.disentis-open.ch) el livetracking. Scadin paragulader ei equipaus cun GPS ed in emettur. Quellas apparatusas indichesch an alla centrala a Mustér exactamein nua che mintgin sesanfla.

#### Biars favorits

Da 120 parasgladras e parasgladers

ein 70 dalla Svizra, ils ulteriurs ein oravontut Franzos, Talians, Tudestgs e Beltgs. «Plirs dad els vegnan dapi onns alla partenza a Mustér. Ils Beltgs han per exempel gia organisau cheu lur campinadis naziunals», di Scheel. Cupleinamein alla partenza ei era l'equipa naziunala svizra. Quella consista il mument da siat atletas ed atlets: «Quei ei la delegaziun che separticipescha era als campinadis europè e mundials. Igl ei aschidadir la crème de la crème.» Favorits pil tetel da campin svizzer ein oravontut parasgladers dalla part su dil cantun Berna. «Il mument havein nus leu ina relativamein gronda gruppa da parasgladers che absolva bugen concurrenz. El Grieschun ei quei il mument meins il cass», di Scheel. Tiels umens ein ils frars *Christian e Michael Maurer* sco era *Stefan Wyss* ils favorits. Wyss ei gia staus quater ga campin svizzer. Tier las dunnas ei la Vallesana *Emmanuelle Zuf-*

*ferer* favorita. La partenza dallas concurrenz ch'entscheivan oz e che vegnan terminadas gliendisdis proxim succeda mintgamai a Gendusas. L'arivada ei a Sax. Sche l'aura lubescha vegn ei fatg mintga di in sgol da concurrenza.

#### Risguard dalla selvaschina

Sin damonda dall'Agentura da Novitads Rumantscha ha igl organisatur Martin Scheel buca vuliu prender pli detagliadamein posiziun concernent la problematica dil conflict dils davos onns da parasgladers e survigilonza da catscha, respectivamein selvaschina: «Nus vegnin a risguardar era uonn las directivas fixadas igl onn vargau. Parasgladras e parasgladers che sgulan en ina zona scumandada vegnan disqualificai per quei di.» Quella controlla seigi bein pusseivla sin fundament dallas apparatusas che mintga participonta e participont porti cun el.